

Opuscula

Opuscula

Scabod

ZODIACUS
SOLIS SAPIENTIÆ
D. THOMAS
AQUINAS
DOCTOR
ANGELICUS,

Recurrente annua suæ Festivitatæ die,
In Basilica Sanctissimæ TRINITATIS
Ordinis Prædicatorum

Celeberrimi Conventûs Cracoviensis,

Oratoriô Stylô,

Spectatori Magnorum Hospitum oculo,

Per

M. PETRUM CASIMIRUM GOSZKOWSKI,

Philosophiæ Doctorem, In Collegio Novoduorsciano Diale-

ctices Professore, Contubernij Geloniani Seniore.

DEMONSTRATVS.

Anno quô.

PhasMa DeCor stellæ reX Vasto præbVlt orbl.

CRACOVIAE, TYPIS UNIVERSITATIS.

In Stemma
 ILLUSTRISSIMÆ
 JAKLINSCIORUM Domûs



Si numeras trinas præcelsi Stemmatis HASTAS,
 Terminus est illis summus honoris apex.
 Absentem poscis quis promptis militet Heros?
 His pugnant de se, gloria, fama, decus.
 Exquirant varij rationes laudis acutas,
 JAKLINIÆ Domui, laus, domi acumen adest.

ILLVSTRI

ac

MAGNIFICO DOMINO,
D. ANDREÆ THOMÆ

In JASIENNA

JAKLINSKI,

VICECAPITANEO & JUDICI
DUCATUM OSVIECIMENSIS & ZATORIENSIS,

Domino ac Mecænati Amplissimo.



*Uccinctum suò Zodiacò Cælum Sapientia,
ad latus suum Arma Tua habere praten-
dit. Illustris ac Magnifice Domine.
THOMAS imò eruditi certaminis robur,
summa confictantium vis, Hastis Tuis
pro Tua Gentis gloriâ certare non recu-
sat. Fortem illum spectavit Orbis, nunc
nec inermem Tuo decore veneretur. Strinxit Ille ingènij aci-
em, contra aduersa Heresum castra evaginato mentis sua
acumine, etiam Domûs Tux hastiludio pro Aris contra Or-
cum optimè pugnaturus. Non soli Arcitenenti velivolunt
vibrare telum in hoc contingit Zodiaco, conceditur & ha-
roa manui fortiùs hastas aduersus quemvis impetum intorque-*

A

re

re. Zodiacus hic Campus est, in quo & Arti & Marti statio non neganda. Possunt in illo & erudito madentes sudore frontes spatari & ponderosum casside caput haste innixum pro Patria ac libertate vigilare. Merito Te Tuamq; gratiam in caeleste hoc invito spatium, cui non à parvis Astris Lucina, nec ab erranti siderum grege derivatus contigit animus. Virumq; enim si expendero Cælum videbor spectandum introducere. Ad supremum lovem parabo iter; si Inclytissimæ Gentis Tux initia exploravero. Per gradus tamen tot laudum, quot Personarum Majorum Tuorum sternitur Appia, non bigis factorum trita, sed mille operibus dignissimis instaurata. Antecessit Te longo ordine prolixa Atavorum series, ita tamen, ut Tu ibi steteris, quò virtus illorum collimavit. Temporum intervallo solum divisus es à Majoribus, non virtute. Adoravit praterlabens annorum tractus Illustrem ac Magnificum TOBIAM IAKLINSKI Burgrabium Sandomiriensem Avum Tuum, Virum cui non unius propugnaculi Polonia tutela, sed gravior munerum moles, tutè poterat demandari, verum Illi esse fortem potius, quàm dici complacuit. Quirve uni Arci cum gloria præfuit, integram libertatem, aureo aquam ponderi, suppar fuerat conservare. Hac enim Illustrium IAKLINSIORVM indoles non sibi esse, sed prodesse pluribus; privatam rem minori, Republicam maximò pretiò aestimare. Tanto non noxa Parenti successit Heros Illustris ac Magnificus D. PETRVS Rothmagister Palatinatûs Crac: Genitor Tuus, Hic in armata virtricibus Hastis natus Domo, Bellonæ ulnis excipi debebat, nec aliam primò intueri lucem, nisi quàm torvò superciliò, horrendus bellorum motor succenderet Gradivus. Et meruit innutrito bellis animo Palatinatûs exercitus, suo committi regimini, quivæ totum se Marti castrisq; addixit, facile ad nutum suum obsequentem conspexit militem. Dexteritatem hanc promptamq; ad Patriæ obsequium, nec facile frangendam Illustris PETRI, PATRIS Tui mentem, cordi sibi fuisse breve Polonia fidus Serenissimus MICHAEL I. Poloniarum REX Invictissimus attestatus, cui si Regionum Annorum plenitunum fata concessissent, Eum ad altius debiti sibi honoris subelli-

um-

um evexisset. *Omni virtute beatus, in commodum ac orna-
mentum Regni Ternionem Grauosum Te inquam cum Fratri-
bus Tuis Aestimatus reliquit, atati huic adorandum. Ma-
gnificus IOANNES Frater Tuus & ob id prater cetera
laudatissima factorum suorum documenta graciosus, quod Ma-
gnificis Filijs FRANCISCO & STEPHANO, omni
eruditionis gemma pretiosiore Domū suam coronaverit. Aman-
tissimo alteri Fratri Tuo IGNATIO nulla soboles, sed fa-
cunda opèrum vita. Quidquid gravi viro condignè gerendum
erat perfecit, in se compendium laudis continens, in Filios qui-
bus caruit non diffudit. Tu postremò non ultimus affectu Pa-
tri Filius accessisti, cuius dotes adorare potius fronte, quàm
manu exprimere decuisset. Pro Ducatum Osvecimensis &
Zatoriensis commodo, aureum in Comitibus publicisq; Congressibus
Os, Principales requiris laudes. Linguā facundus omnibus
venis ad gustum, nec à Te quengquam avertis, nisi qui intra
veri limites teneri exhorrescit. Noverat & Polona Themis
justum à Te, cum ad Regni Tribunal Iudex Deputatus exa-
ctè Iuris Patrij regulas conservasti. In illius lance pondus Tu-
um Regnum vidit, & quæ sententijs Tuis insit gravitas, pon-
deravit. Inde prima in Orbe Polono nomina Te pro estima-
tionis meta posuere. Te stringunt intimi affectus Illi vincu-
lis, quos in libero Regno eminentiores contemplamur. Vix
tamen alijs cedit sui pectoris erga Te promptitudine Illustrissi-
mus & Excellentissimus D. FRANCISCUS Comes in Zy-
wiec & Pieskowa Skala WIELOPOLSKI Palatinus Sira-
diensis, Cracoviensis &c. &c. Capitaneus, ad sui honoris
gradum etiam hoc punctum addit, quod Te aestimet, ad Cul-
men, hoc fastigium, quod affectu complectatur. Sed & ad
Lydium Illustrissimi ADAMI de Lubowca in Wieruszycze
LVBOWIECKI Ducatum Osvecimensis & Zatoriensis,
& Iadovnicensis Capitanei lapidem, virtus Tua ita pro-
bari meruit, ut merito nunc provocaretur ad maiora. Acce-
dit Honori Tuo, aestimata plurium Illustrissimarum Familiarum
affinitas, gloriosa Domūs Tux cum alijs contiguitas. Sufficit
pro mille alijs Sacra Themidis decus, eruditionis prototypum,*

Apollinis quondam Academici Biezanovij aestimator, Illustris olim & Magnus D. ANDRÉAS à Zydowo ZYDOWSKI, Palatinatus Cracoviensis Vexillifer, Avunculus Tuus, cujus dicta, scripta, facta legentes Te in Ipso videre, aestimare, venari gaudent, & efficiunt. Quid ulterius à DEMBINSCIORVM Viragine non pulchrum, à PRZEREMBSCIORVM Pede gloria non propinquum. Illustrissimos PORREMBSCIOS, CHWALIBOGIOS, PIEGLOVIOS, DROHOIOWSCIOS, CHLEVICCIOS, GAWRONSCIOS, DRZEWIECCIOS, & alios quos hac pagina capere nequit, uti Confinitio Sanguinis, ita propinquitate laudum junctos conspicias. Ab Illustrissima STAROWIEYSCIORVM Domo, Tui & Magnarum Virtutum Consortem SVSANNAM tenuitas foliorum vix suscipit, literis tamen his notari debuit, in qua rarius suo sexui impertita viget eruditio. Connexa Parentibus Filiorum nomina, in spem Patrie in arena literaria succrescentia, IOSEPHVS & ALBERTVS prodeunt. Prior Philosophico cursu Olympiæ profectus attingit; quod se Atletam erudito certamine dignum gerat, publica Philosophicarum Thesium concertatio demonstravit. Alteri gloria est literario conatu mentem altius elevare, utriq; decus, vivere in Parentum solatium. Hac certe motiva sunt quibus Zodiacum meum manibus Tuis inclinem. Cum enim Illustrissimi Generis nitore junctam eruditionem admirror, ignoro cur THOMAS Aquinaticæ gemma Familia, Eruditorum norma, Celi Sapientiae Zodiacus à Tuo Nomine decus novum non pratendat. Imò hoc est in Votis Phebo huic, ut non alibi appareat, quam ad Tui Ostium, literis, literatis, & literarum cultoribus apertissimum. Pande igitur clientalibus desiderijs patientem semper aditum, ut qui favoribus Tuis Amplissimis glorior, etiam Zodiaco meo Domi Tuae Cælum gratiarum inveniam.

**Illustris ac Magnificæ
Dominationis Vestræ.**

Addictissimus Cliens & Servus
 Author Operis.

ORATIO.



Byssus abyssum invocat A A. imò abyssalis THOMÆ notatio, nihil non profundum, nihil à mentibus humanis non metaphoricum, subtilitati Cælestium Intelligentiarum nihil improprium, intra sua elogia admiratori animo trutinandum, & impatienti Phæbei fulgoris palpebræ videndum exponit. Quæ enim Rhetorica ad THOMAM gradatio? nisi forsan redivivi Curtij alacritas, ut in tortuoso Sapientiæ Eurippo, in immenso Crystallinarum virtutum Oceano, in aperta Sanctitatis odore hiantè Abyssò sorbeatur. THOMAS, thema Oratorum est, quod semper principium centuriatæ laudis, nunquam finem declarat. Exordium habet, sed non nisi à Superabundanti, cujus Divisio, totum elogij; Opinio, laudis intaminatæ veritas; Adjuncta, felix ac beata devotarum mentium operatio. Viderè est in THOMA sacrum vestitus Candorem, vel ad laudes ejus exalbescere, vel intra indignos Thomistici plausus Encomiastes candidatum esse, vel gemmeos ad suam præstantiam requiri dicendi apparatus demandantem. Religiosæ Dominici Sanctitatis nomen, servire sibi pro Domo sua perorandi modos, si non manifestat, indicat sapientibus. Compar ne Tanto Doctori humanum elogium? sub quo Mo-

trices Cælorum Intelligentiæ Discipulas agunt, eò feliciores ;
quò magni Professoris sanctioribus præceptis instruuntur,
Nec vestigium relinquunt tenues Tulliorum fontes, si in
Aquaticum etymum influant, aut Gangeticis Cellissimæ
Aquinatæ Familiæ fluctibus comparentur. Cæcutiunt, an
potius atram patiuntur eclipsim figurata Rhetorum lumina,
ad ardentem Dominici Catuli facem, quæ Diogeni traden-
da promittitur, ut Oratorem etiam meridiante sole, Tho-
mistico encomio sufficientem adinveniat. Septima Mensis
dies, magis ab inchoato opere quiescere jubet, quam ad jejuna-
les ferias deficiente spiritu protensas ulterioris sermonis tha-
ses efformare. Ruunt velut agmine factò plures impedi-
menti circumstantiæ, quæ debilem animum confundunt, te-
nues debilitant vires, oculos rapiunt in stuporem. Quis
enim coram Tullio Orator? quis coram Sacro Prædicatorum
Ordine disertus? qui omni prædicamento major, magnis
innutritus splendoribus, non aliud prædicatum cum non di-
spari subjecto habet, nisi universalem affirmativam summæ
æstimationis propositionem, etiam à mordacibus Zoilis con-
cedendam. Verùm adest quid amplius quod admiratricem
everberat pupillam, scrutatorem Majestatis animum opprimat
gloriâ, & in suo splendore lucidissimo tenebras causat cras-
siores. Quod si scire vultis? Phæbus in pectore THOMÆ.
O stupendum increatæ naturæ opificium! O novam contra
Numina Gigantomachiam! forsàn THOMAS arma-
tus Virtutum suppetijs Cælum expugnavit, & in spoliis &
decus, Solem in pectus traxit? Forsan alter Iosue ad vin-
cenda Hæreseos monstra in corde Soli fixit stationem? For-
san novum Sapientiæ facturis orbem Phæbum portat, ut
ab Illo erratica Sidera, verum fidei, Sanctitatis, virtutis lu-
men mutuentur. Ita est AA. Titanem quem in THO-
MA videtis? credite esse Sapientiæ, nullibiq; suos regulares
motus, nisi in pectore ejus peragentem, & Ipsum THO-
MAM ZODIACVM Solis Sapientiæ advertetis. Ta-
lem Te Univerſus adorabit Orbis Doctor Divinissime, si

umbratili facundia Phæbeos radios gratia & favoris insperges.
Et vestra attentio A.A. veritatem propositi acutiori observa-
bit tubo, si oriente in suo Zodiaco Sole Sapiencia, se se diligen-
tius exporriget.

Myſticum Sapiencia Orbem, radiantibus non orbem
astris, sereno Planetarum ornatum aspectu, vestris obtutibus
præſentate. Habet affinem Cælo splendorem Sapiencia, quò
inde suam sumpſiſſe jactet originem, vel ſui Poſſeſſores in for-
mam Siderum abire erudiat. Alios veriores crediderim Sa-
turnos, quorum aureum caput, aureo imbre ditiores inferi-
oribus communicando influentias, cuius ſæculo grande im-
pertitur pondus & valorem. Alios ſacratiores Ioves ve-
neramus, ex quorum prope Divinis cerebellis, non unam
Palladem prodiſſe experimur. Plerosq; Martes crederes,
ſi eoſdem in acie & atena literaria cum decumanis errorum
catervis dimicantes, aut hoſtem ignorantia in triumphum
ducentes, ſpectares. Quid ſunt magna Oratorum ſubjecta?
ſi non facundi Mercurij, quorum ſæcunda eloquentia & do-
cendo movet, & movendo delectat. Videmus & Lunas,
quarum plenitudinem perfecta cauſat eruditio. Habet illu-
ſtris Sapiencia Orbis & erratica Sidera, quibus ſcintillare tan-
tum, non perfecte lucere, eſt conſeſſum. Sed abſit hæc
obſervare, & explanatorem oculum iſtis occupari, Prin-
cipe Planetarum Sole in pectore THOMÆ prælucente.
Soluſ THOMAS, Sol eſt Sapiencia, à quo omne lumen
verum procedit, talisq; illuſtratiſ mentibus appareret, ſi non
magis Zodiacus probaretur. Quod ſi Zodiacum duodecem
ſtellantem ſignis Mathematica docet obſervatio, & hæc
cum longe ſvaviori aspectu, benigniori influxu in THO-
MA ſpectabuntur. Primuſ Arieſ pro ſua pugnare deberet
ſtatione, ſed Aquinaticis emerſuſ aquis, nihil turbidum relin-
quens, totuſ niveuſ, licet Sereniſſimorum Regum Sicilia,
Ceſſiſſimorum Ducum Aragonia purpureo tinctuſ Sanguine
innocentiam ſpirat, virtuteſ in ſui amorem trahit, & cornuto
probare argumento intendit, quòd THOMAS, non alio

titulo decorandus. Plura forsitan in Illo signa spectare vultis? parcite ordini inverso, cum omnibus tamen Zodiacum THOMAM spectaturi. Iam Geminos necdum bene incepto ætatis Vere in Nostro Zodiaco observate; quorum nomina, virtus & Sapientia, an veriùs utraq; THOMAS est, quæ cum in magno Pusione dignosci nequiret, junctim stetit, veritati propositionis non dissimilis. Magnæ licet à natura, ambæ tamen ad tenellum Infantem THOMAM pueraſcunt, ſuis delicijs, decoriq; natum præſcientes. Dubium erat, an THOMAS per virtutem, an virtus per THOMAM crevit; niſi hæc maxima cum fida ſui amica Sapientia in puſillis artubus arctaretur. Si reptantem per gradus perfectionis vidiffes THOMAM, ineſſe huic Zodiaco Cancrum crederes; ſed nonniſi à vitio, aut exigua labe retrogradum & tergiverſantem. Quid illa ſigni Virginis Illobatæ in terra jacentis à Pusione THOMA aſſumptio? ſi non evidens Zodiaci declaratio. Rem ſub cortina latentem ex protenſa in manibus Infantis THOMÆ ſchedula, addiſcamus. Pendens adhuc ab ubere lactantis Nutricis Sacer Puſio, vix ſalutare Mariæ nomen, cum Angelica ſalutatione chartulæ impreſſum humi advertit, totus proruit, imò infantilibus retractus ſaſcijs per vim inclinatur, ut Electa ut Sol Maria, futurum Zodiacum viſitaret, Illeq; convexam ſui formam efficeret. Et bene: Mare Gratiarum MARIA, delicatum THOMÆ ſubintrat pectusculum, Solis Sapientiæ ex illo ortum ſereniorem portendens. Nonne Zodiacus THOMAS eſt? qui Terram benediſctam ſacro ſuo ambitu comprehendit. Si olim amiſctam Sole Virginem Apocalypſticus adnotavit Ioannes, THOMAS probavit, dum ſuum Solem in ſigno Virginis collocaret. Arcum fæderis ſi libet Virginem Sanctiſſimam nominare, habet quò ſe in Zodiaco extendat, pacem inter monſtra terræ (Hæreſiarchas ſuppono) & cælo conterminam fidei Sacræ veritatem, ex reflexione Thomiſtici Phæbi radiorum designans. Paucis curioſitas ſit contenta: ad Marianum Ave, Sol cùm THOMA ſte-

stetit, donec offensi Sancto huic Nomini hostes devincantur.
Tandem Infantiles annos extra quos cum maturitate An-
gelici ingenij fuisse observatus THOMAS, se ipso major
absolvens, Cassinensi committitur Parnasso, ut sedulo litera-
rum exercitiò, novis Mathesi eruditæ usitatoribus signis, pin-
geretur. Nec immeritò; nihil humile posthac THOMAS
futurus, in excelsis quoq; montium jugis locari debuerat;
propinquum astris Benedicti ascendit montem, ut firmamen-
tum Cælorum in suum THOMAM assumeret decorem.
Zodiacum Sacrum (si aliter eremus est) ingressus, sua in illo
sanctitatis, Virtutis signa dispositurus. Auxit Benedicti spi-
nas suo acumine THOMAS cum Rosarum silentij im-
patiens, nondum absoluto lustro, arcana cælorum lustrat,
& manifestè revelat, sapius erothesim instituens; *Quid*
est DEUS? O; magnam exigui corpore Pusionis quæsti-
onem! O quærendam mille sæculis Infantiam! necdum
THOMAS loqui perfectè didicit, & jam inde incipit; ubi
magna Ingenia deficiendo obmutescunt. Attende hic Cæli
delicium, Ver orbis florentissimum, Vniversi decus, Iuventus
gratissima, & sub Angelo, an veriùs Angelico Doctore disce,
scire DEVM ante omnia, summam esse perfectionem.
Quem si definis; quod authorem non habeat, omnium Au-
thor, Antiquissimus careat origine, Æternus non videat finem,
Infinitus nihil acquirat, Immutabilis nihil amittat, post omnia
possit plura; DEVS sit id, quò nihil melius, primam sub
THOMA audis lectionem, ad cujus speculationem pi-
am elevatura mentem, non in cassum Cassinenses Montes
Sanctitatis magnificentiâ ipsi Cælo propinqua Pergama intu-
ere, commodius ex Illis Zodiacum Solis Sapientiæ THO-
MAM spectatura. Consistit in Neopolitano Helicone seu
in Neosantiore Musarum Polo, Soli par Apollini THOMAS,
cui liberè titulum resignârat, ut cum Novenario Musarum
Choro Zodiacus coleretur. Attolluntur beatiori fastu Cas-
sini vertices, superbientes illo gaudere Phœbo, quo agi-
tante calescentes Tauris nomen eripient, ut ad Sanctum

Zodiacum saltem æquivoce regulentur. Habent enim habent quò superbiant; vix THOMAS cum Sole Sapientiæ in auge collium amplæ Campaniæ stetit, illicò cum perfecti-
onis exorsus meridie, nihil obscurum in illis reliquit, nisi quòd non clariùs Magister quàm Discipulus cerneretur. Minores scientiarum non passus stellas, aliàq; infra suam Majestatem artium phænomena demisit, Thomistici Titanis illustriores lumine veritatis comas Orbi accendens Univerſo. Satis dicere THOMAM humaniora an humana studia non tractasse, qui Angelorum æmulus, cuncta supra hos cogitavit, quorum summus Doctor erat audiendus. Perfectum satis in scientiarum rudimentis profectum fatemur THOMÆ, cum circa primum in orbem literarium ortum in Apogæo stantem spectamus. Nec ad infima descenderemus, ni etiam Mystico Zodiaco suos inesse gradus ad Solis Sapientiæ decursum requisitos notaremus; ita, ut ipsæ literarum columnæ loqui, muti Magistri Memnones (libros intelligo) discurrere Solis Sapientiæ in Zodiaco THOMÆ existentis radijs tacti audirentur. Utq; vehemens sensibile sensum lædere probaret, nec non Zodiacus evidentiùs appareret, intra Sacras Dominicanæ vitæ sese demittit umbras. Et bene; non poterant in illo clariùs ampliora signa notari, nisi mundani splendoris in occasu. Adeste curiosi speculatores & in Terra consistere Zodiacum non posse objicite, jam Ille in Cælo fulget, quod si scire vultis? Sacra Prædicatorum, dignissimis Illustris subjectis est Religio; quæ tunc numerabitis cum fidelissimū stellarū calculum exponetis. Potiùs cavete ne Zodiacus THOMAS Solis perfectæ Sapientiæ ingressum suscipiens, in Dominici caniculam aureos reflectat radios, ad causandam in Vestris cerebellis priùs vertiginem, quàm horum eminentiæ cognitionem. Vacandum magis grandi elogiorum messe veniente. Intra terrestres Angelos locatur THOMAS, Motrices Cælorum Intelligentias sibi assistere requirens. Candido Sacratissimi Ordinis vestitur colore, exorituram

turam tempestatem ex Aquinatici Maris turbine, minarum nubeculas contra splendorem suum causante svaviori patientiæ malatia serenaturus. Hoc dum sperat, experitur. Vix enim movente Majorum mandato signum Sanctæ ostendat obedientiæ, florenti niveis lilijs Galliæ, Ver in agno innocentæ aperire intendit, tristem Autumnum, urgente Materni furoris Aquilone, obnubilato squalidi carceris antro, suò serenò, cogitur præsentare. Sed ah inanem Theodoræ insipientiam! quid atra Soli nocent obstacula? quid Zodiaco nocivi enorme Medusæ infert caput! habet fortem firmi propositi Leonem, & acutum cornutis rationibus Capricornum; quibus insani amoris objecta retorquebit. Accendit forsàn Illustris Familia natales ceras, illasq; in Zodiaco magis sereniùsve eminere sperans proponit, sed hæc majore extinctæ jubare locum in Illo non inveniunt. Pollicetur à Domesticis Purpuris mutuato rubicone sublimiores dignitatum depingere sphæras, sed hic magis religiosum candorem adamavit; immensa divitiarum accumulatur pondera, sed hæc non ad Libram Sanctioris Zodiaci statuenda. Quid ultra? jam cognovit quid sit THOMAS Theodora, & Virginis intactæ pridem in Illo suum positum esse signum oblita, fædam Venerem opponit, saltim aliquem aspectum tentaturam. Falleris scelestæ intentio procul est à Zodiaco Venus, quam si admoves, subito erumpente tonitru spectabis profligatam. Horridum Cometam in Virginitatis exitium exposuisti, certè hic fatuo ardens igne, radijs in pænam Thomistici Solis indignus, titione extingvetur. Armatum in Innocentiam Cupidinem Sanctior Zodiacus non admisit, suo Arcitenente contentus devotum pectus dulci amoris Divini telo vulnerante. Post tot fraterni furoris stridores, post varios sævientium minarum reboatus, post densum maternas lachrymarum imbrem, profiliit in Venerem fulmen, ut novum aperiret serenum, & post nubila Solem Sapientiæ redderet clariorem. Necdum enim ex subterraneo umbrarum Dominio


exorians, & jam perfectum veritati accendit meridiem,
ut THOMAM ex Angelorum ministerio suum esse Zo-
diacum indigitet. Descendant hi Temperatam Zodiaco
applicantes Zonam, ne in hoc Eruditionis persistens Titan,
sub sua plaga mansuros Idiotas nimio subtilitatis terreat ardore,
sed facilitatis cum difficultate in Schola Thomistica alliciat
temperamento. Officia sua relinquentes Cælestes Intelli-
gentiæ turmatim properant, THOMAM sibi an se THOMÆ
accingunt, singulari sese alligando, operi cuncta ad men-
tem THOMÆ, an potius nihil contra novi Zodiaci situm
moturæ. Pretioso Angelorum nexu bene præcingitur THO-
MAS, totam Ecclesiæ molem præstantior Atlas bajulatu-
rus, aut literarium Orbem ut stet firmius præcincturus.
Tandem in Scientiarum Empireo, hoc est Parisijs suam
extendit magnitudinem, cui selecto Peripato tantum splen-
doris addidit, quantum ad illustrationem umbrarum ani-
morum erat necesse; in hoc nonnisi tenebras spargere vi-
sus, quod cum omnia sciret, nesciri delegit, non ignarus,
etiam Soli vesanos indignari animos, maculas imprimi &
serenissimum ejus jubar, à minutissimis nubeculis obum-
brari. Sed corrige quæso crassum Discipulorum errorem
Magne Professor THOMÆ, Beate Alberte, Bovem dicere
intendunt? Taurum inesse Zodiaco nescientes: imo ut
clarius doceas, distingue; si montem volunt ut propius Zo-
diacum THOMAM admirentur; concede, si imparem jugo
Christi, vel non ex numero Apocalypticorum animalium
Currus Gloriæ DEI esse; firmissime nega. Bos est THO-
MAS sed intonaturus boatu suo vocale in totum orbem
Classicum, & arenam literariam ad exuberantem scientia-
rum messem exculturus, quem si LVCAS vidisset non ad pe-
des illum locaret, sed sibi compararet. Mugite ad placitum
bovino contra THOMAM nomine fratres, quos id for-
san maximè pungit, quod hic Bos nulli vestrum pari adjunga-
tur. Credite Livio Annibalem boum cornibus accensas
alligasse faces, atq; sic in frontem Romani exercitus insu-
isse


isse, ut ex acie Martis opprobriū relictū cedere cogeretur. Accensa Vestri Bovis cornibus Dominici ardens tæda pro Roma stabit, & pavorem imò fugam Hæresum cætervis inuret, & triumphales militanti Ecclesiæ ignes accendet. Bovem in Iovem mutatum verisimilis fingat Pœsis, illumq; pro Europes per immensum Mare vecturā inter Astra credat relatum. Et THOMAS talis Bos est, qui non Europen, sed totam Christiani Orbis figuram à naufragio tutissimam reddens, non Taurus, sed Zodiacus meruit nuncupari. Quodsi mutum arguitis, loquitur pro Ipso renatus Salomon Albertus. *Tu mihi non respondentis sed Doctoris locum obtinere videris.* Nec aliter est mirandorum Caputum Sapientissime Plasmator, non respondet Condiscipulis THOMAS, quia quid sit nesciunt, docere paratus; sed ut prius cornuta formare dilemmata sciant, requirit. Quàm evidentissime Lutetiæ etymum Sol in D. persistens Zodiaco depuraverit, facilis illatio, cum Theologicā redimitus laureā totus Serenissimus vanos ab erroneis Capitibus extrusit humores, & veræ doctrinæ induxerit serenum. Gaudet Sorbonica Pallas Diviniori Aristotele THOMA, cujus Eurippus Aquinaticis eruditionis exundans fontibus, citius capit, quàm capitur, adeo; ut omnia sciat, qui THOMAM intelligat. Vnde illa intima Divinitatis arcana Angelicis mentibus rarò manifesta, humanis semper abstrusa in THOMA? si non ex propiori summæ Beatorum Sedis Zodiaco; quem extra se multoties fuisse raptum, Cælestibus manibus elevatum admirandæ vitæ lectio informat. Accessere ad hunc Zodiacum primæ magnitudinis sidera, Principes Apostolorum, claviger PETRVS, & Doctor Genium PAVLVS; qui certè suum duodenum numerum cum alijs in Illo situassent, ni omnibus Sapientiæ distinctum Signis offendissent. Tædebat forsan & in Cælo PETRVM absq; THOMA, citius accurrit; ut suæ Ecclesiæ orbem Zodiaco muniat & præcingat, quod non aliter evenisse affirmabitur, si buccinantis Bucerii audietur acclamatio;

Tolle THOMAM & dissipabo Ecclesiam! Frustra, frustra Stygij Gigantes contra Cælum Romanæ veritatis assurgitis! Zodiacò fortissimè munitum est, & districto PAVLI acinace obarmatum. Cælestibus præcepta dantibus & consulentibus Magistris, nihil in suis operibus, quæ profunda humilitas opuscula nominavit, terrestre scripsit, sed quod summo Authori placeret, quod perfectissimus Magister de Crucis Cathedra approbaret: *Bene scripsisti de me THOMA; quam ergo recipies pro laboribus mercedem?* Quasi nova Ipsius Numinis de THOMA esset quæstio, vel nullum condignum pro laboribus ejus præmium, nisi quod ipse elegisset. O dulce patientis Verbi elogium! O laus humanis mentibus non concessa! O Bene optimum! quod summum Bonum meruit Authorem & Censorem, tot oribus, quot vulneribus disertissimum. Nec alicui alteri Zodiacus lustrandus erat, nisi Soli Sapientiæ, qui se talem sciens, demisso Vertice Illum invitat respondens: *Non aliam, nisi Te Domine.* Ponderate nunc summum summæ Thomisticæ pretium, quod supremus Arbiter in Crucis statera ponderavit. Marcescunt ad Theologica THOMÆ folia exquisiti Verborum flores, quibus purpurea in Cruce ROSA, Flos Nazareus cedit in elogium. Approbati ab Increato Censore Thomistici labores, honoribus de se concursuris accuunt orexim; ut suum splendorem in Zodiaco possint præsentare. Ast inane Neapolitanæ Tiaræ desiderium, parva est ad Istius regendum caput; in cujus erudito pectore Sol recubuit Sapientiæ. Suscipe quæso Doctor Divinissime purpuram, sereniorum Tui sideris ortum in Cælo portendentem; non absq; erubescentiæ signo respondentem audite THOMAM, fatuos Zodiacus non admittit ignes, nec citò transeuntes suscipit splendores, contentus fonte luminum Sole, à quo cuncta honorum insignia illustrationem mutuuntur. Mundanos postposuit Gradus, ut cælestes ascenderet, & in Novam Fossam suam occidere Solem, cum vita passus, ut clariùs in Majores sphaeras ex profundo

do in altum oriretur. Ipsum Cælum ad THOMAM crediderim descensurum fore, nisi THOMAS illud prævenisset. Et licet à nobis Doctor Angelice, Sapientiæ & Gratiæ Abyſſe, Sanctior Solis Sapientiæ Zodiacæ recesseris, sequimur Te, cùm etiam in Cælis præsens totum orbem doctrinâ & Sapientiâ illumines, & meliores ad Sanctitatis & eruditionis esse, causas influxus. Dirigit ad Tuum Titanem Sarmatica Ales irretortam pupillam, & ut eandem Tui efficacissimi Intercessionis radij ab infortuniorum maculis in ævum depurare possint, Te laudando exposcit. Non alia luce nisi Tua illustratæ Academiæ umbræ exambiunt, ut nullam patiaris illis induci eclipsim, sed ut licet quartô sæculô gravis, Discipulam tamē sub Te agere non erubescens, Alma Mater Vniuersitas ducat permultos sine nube dies, donec longævi volvent Titana labores. Verùm quod hætenus dixi, hoc Tuæ laudis est argumentum Sacratissime Prædicatorum Ordo, quam ille à Te distingvit, qui Vestrum THOMAM negat, qui illum in Singulis non videt, & Singulos in THOMA non veneratur. Etsi Angelicum Doctorem colimus, Vos Angelos terrestres fatemur, an potius Cælorum Sapientiæ motrices Intelligentias. Quid illa Sacrorum Conciliorum decisio? si non labor Thomistarum. Vnde illud ad pellendas errorum noctes lumen! nisi ab Ardente amoris Divini Zelo Dominici face; quæ quoties sparsit radios, toties Augustis summæ Sedis Coronis, Cardinalium Purpuris, Tiaris & Doctoralibus Mitris, splendorem adauxit. Quare Prædicatores estis, mihi silentij materiam datis, lumina Rethorica extinguitis S. Patris Vestri Cynosura prælucente, & Sole Sapientiæ in Zodiaco THOMA meridiem absolvente qualem esse

D I X I.





22000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

